



者曰後周一引
示兒編
梁溪漫志三
坦齋通編 十一叶
貴耳集中 止

宜頂格

欽定四庫全書總目

元城語錄三卷附行錄一卷

浙江鮑士恭家藏本

元城語錄三卷宋馬永卿編永卿字大年揚州人
流寓鉛山據廣信府志知其嘗登大觀三年進士
據所作嬾真子知嘗官江都丞浙川令夏縣令又
稱嘗官關中則不知何官矣徽宗初劉安世與蘇
軾同北歸大觀中寄居永城永卿方為主簿受學
於安世因撰集其語為此書安世之學出於司馬
光故多有光之遺說惟光有疑孟而安世則篤信

經與丙子八月范陽張九成序

之亦足見君子之交不為苟同矣其中藝祖製薰籠一事周必大玉堂雜記謂其以元豐後之官制加之藝祖之時失於附會然安世非妄語者或記憶偶未確耳李心傳道命錄又論其記程子諫折柳事為虛謂程子除說書在三月四月二日方再具辭免四月上旬非發生之時云云然四月上旬與三月相去幾何執此以斷必無方春萬物發生不可^戕折之語則強辨非正理矣安世風裁嶽嶽氣節震動天下朱子作名臣言行錄於王安石呂

宜頂格

惠卿皆有所節取乃獨不錄安世董復亨繁露園集有是書序曰朱文公名臣言行錄不載先生殊不可解及閱宋史然後知文公所以不錄先生者大都有三蓋先生嘗上疏論程正叔且與蘇文忠交好又好談禪文公左袒正叔不與文忠至禪則又心薄力拒者以故不錄其說不為無因是亦識微之論然道命錄備載孔平仲諸人彈論程子疏議以示譏貶獨不載安世之疏不過於孔平仲條下附論其不知伊川而已蓋亦知安世之人品世

經與丙子八月范陽張九成序

所共信不可動搖未敢醜詆之也近時有安邱劉源淥者作冷語三卷掇拾伊洛之糟粕乃以衛道為名肆言排擊指安世為邪人謂其罪甚於章惇邢恕豈非但有朋黨之見絕無是非之心者歟要之安世心事如青天白日非源淥一人所能障蔽眾目也行錄一卷明崔銑所續編大名兵備副使於文熙又補綴其文舊本附語錄之末今亦並存之庶讀者知安世之行益知證安世之言焉至語錄之中時有似涉於禪者此在程門高第游楊呂

元城先亦不必更為安世諱矣
謝之徒朱子亦譏其有此弊是不必獨為安世責

宜頂格

余觀馬永卿所著元城先生語錄嗚呼前輩不復見矣使余讀之至於三歎息也余致先生所學所論皆自不妄語中來其論時事論經史皆及訂是非別白長短不詭隨不雷同不欺於心而終之以慎重此皆不妄語之功也司馬溫公心法先生其得之矣

經與丙子八月范陽張九成序

者曰後周一引

示見編

梁侯漫志三

所共信不可動搖未敢醜詆之也近時有安邱劉
 源淶者作冷語三卷撮拾伊洛之糟粕乃以衛道
 為名肆言排擊指安世為邪人謂其罪甚於章惇
 邢恕豈非但有朋黨之見絕無是非之心者歟要
 之安世心事如青天白日非源淶一人所能障蔽
 衆目也行錄一卷明崔銑所續編大名兵備副使
 於文熙又補綴其文舊本附語錄之末今亦並存
 亦不必更為校訂也
 猶之於未子亦繼其首此樂長不必斷為安世責

元城先生語錄序



宜頂格寫

余觀馬永卿所著元城先生語錄嗚呼前輩不復
 見矣使余讀之至於三歎息也余攷先生所學所
 論皆自不妄語中來其論時事論經史皆攷訂是
 非別白長短不詭隨不雷同不欺於心而終之以
 慎重此皆不妄語之功也司馬溫公心法先生其
 得之矣

紹興丙子八月范陽張九成序

論與山十八日... 卷之二

非恨曰... 論與山十八日...

論與山十八日... 論與山十八日...

論與山十八日... 論與山十八日...

原本此序在上序後半頁

俱宜頂格寫

元城先生語錄序

僕家高郵少從外家張氏諸舅學問五舅氏諱樅字聖作七舅氏諱桐字茂實九舅氏諱楫字濟川大觀三年冬將赴亳州永城縣主簿七舅氏戒僕曰永城有寄居劉待制者汝知之乎僕謝不知舅氏因語^為言先生出處起居之詳且曰汝到任可以書求教僕到任之次日因上謁三日以書求教先生曰若果不鄙年時見過僕因三兩日一造門後數月先生以僕為可教意亦自喜嘗曰某在謫籍

本 此幸字

少人過從賢者少年初仕宦肯來相從願他日無
負此言是時先生寓于縣之回車院年六十三四
容貌堂堂精神言語雄偉闔爽每見客無寒暑無
早晏心冠帶而出雖談論踰時體無欹側肩背聳
直身不少動至手足亦不移噫可畏人也僕從之
學凡一年有餘後先生居南京僕往來數見之退
必疏其語今已二十六年矣僕既不能字然自立
行其所學以追前輩已負先生之託矣若又不能
追錄先生之言使之泯絕則僕之罪大僕懷此志

久矣獨以奔走因循欲作復止比因竊祿祠廩晨
昏之暇輒追錄之以傳子孫蓋以僕聲名之微不
能使他人之必傳也先生元城人諱安世字器之
事在國史紹興五年正月望日維揚馬永卿大年
序

卷之上層次行

元城先生語錄目錄卷之上

鄉里第一

獻書第二

治書第三

學問第四

新法第五

釋氏第六

東坡第七

金陵第八

行已第九

淮南第十

進言第十一

飲酒第十二

西來第十三

雅謔第十四

變法第十五

唐史第十六

恭儉第十七

任相第十八

薰籠第十九

讀書第二十

目錄卷之中

諫兵第二十一

霍光第二十二

神武第二十三

三代第二十四

人材第二十五

春秋第二十六

西漢第二十七

佛書第二十八

賢主第二十九

公孫弘第二十九

遺令第三十一

名相第三十二

居洛第三十三

取國第三十四

卜世第三十五

求教第三十六

詐偽第三十七

論詩第三十八

人品第三十九

酷吏第四十

用兵第四十一

圍碁第四十二

目錄卷之下

官制第四十三

夏至第四十四

左氏第四十五

殿試第四十六

諸老第四十七

作史第四十八

六經第四十九

事君第五十

玉堂第五十一

高帝第五十二

褒貶第五十三

論易第五十四

子弟第五十五

北歸第五十六

歷法第五十七

甘露第五十八

魏徵第五十九

宰相第六十

老人第六十一

談易第六十二

元城先生語錄

目錄卷之下終

元城先生語錄卷之上

左朝散郎主管江州太平觀賜緋魚袋馬永卿編

僕初見先生先生問僕鄉里且曰王翠安否僕對曰王

愛日齋叢鈔引

聖子王安樂夫

王守仁先生

王學士字定國從先生

琿案愛日齋叢鈔一云禮記檀弓幼名冠字年以伯仲孔氏曰人始生三月而加名故云幼名年字有為父之道同等不可復呼其名故冠而加字年至五十者又轉尊又捨其子各直以伯仲別之去冠禮年已有伯某甫仲叔季者彼時雖云伯仲皆配某甫而言至五十直呼伯仲爾朱文公曰至年即稱伯仲除了下面兩字猶令人不敢斥尊者呼為幾又之類是不可以字尊也王藻士於君所言大夫沒矣則稱謚若字名士與大夫言於君前士名而大夫字字為貴及與大夫言而字大夫雖以謂言及他大夫則呼字卑者蓋亦字尊焉馬永卿赴亳州永城簿初見劉器之諫議問曰王翠安否曰王學士安樂後劉公為縣宰言新主簿可教後生不稱前輩表德此為得體

學居於高柳

蒙稱道此可重也王學士字定國從先生

僕見後三日僕獻書求教先生再讀之似有喜色且以

六經第四十九

事君第五十

玉堂第五十一

高帝第五十二

褒貶第五十三

論易第五十四

子弟第五十五

北歸第五十六

歷法第五十七

甘露第五十八

魏徵第五十九

宰相第六十

老人第六十一

談易第六十二

元城先生語錄

目錄卷之下終

元城先生語錄卷之上

左朝散郎主管江州太平觀賜緋魚袋馬永卿編

僕初見先生先生問僕鄉里且曰王鞏安否僕對曰王

學士安樂來赴任時嘗往別之後兩日知縣詹承議輔

語僕曰適見劉待制云新主簿可教因問何以得之公

曰後生不稱前輩表德此為得體又曰此公極慎許可

吾友一見已蒙稱道此可重也王學士字定國從先生

學居於高郵

僕見後三日僕獻書求教先生再讀之似有喜色且以

愛日齋書鈔引

元城先生語錄

元城先生語錄卷之二

言見謝僕因問立身仕宦之道先生問余家屬畢曰賢
俸祿薄當量入以為出僕復問請益先生曰漢書云吏
道以法令為師有暇可看條貫又曰不獨可以治人亦
可以保身僕歸檢漢書前語出薛宣傳先生之意以僕
初出場屋行已或犯法且為吏所欺故有此言
先生問僕舊治甚經僕對治書先生曰今之書乃漢所
謂尚書若復求孔子所定之書今不見矣僕聞其言色
駭先生曰漢承秦火之後諸儒各以所學談經或得或
失然各自名家自濟南伏生以降不獨一人就其中取

之獨孔安國古文尚書尤勝諸家則今之尚書是也僕
曰其畧何如可得聞乎先生曰止如曰若稽古字徃徃
不同不知近日士人如何解僕因舉新經以對先生曰
此非金陵說乎非但金陵之說非而孔氏之說亦非也
因令取注尚書以手指語僕曰自此作堯典以尚書序
也舊與他序同在一處孔氏移於諸篇之首又指堯典
曰以下語僕曰此兩字乃篇題也其下當為粵若稽古
粵若發語之辭也稽考也言史氏考古有此事也今孔
氏以若為順古道而行之非也然此事賢卒未能解可

取前漢儒林傳藝文志熟讀之則可見矣僕後數日再見且曰堯典之說果如先生之言因曰儒林傳云孔氏有古文尚書孔安國以今文字讀之因以起其家竊恐今之尚書非古文也先生笑曰是也古文尚書乃科斗科斗變為大篆大篆變為小篆小篆變為隸書所謂今文字乃漢之隸書也故尚書序云為隸古定其去科斗遠矣僕又曰粵若者則所謂越若來三月是也所謂稽古者則所謂惟稽古是也先生曰然今按藝文志注曰秦廷君說曰若稽古二三萬言則是曰若稽古當作四

字一句也今乃以堯典曰為一句若稽古帝堯為一句非也秦恭字延君信都人也見儒林傳

先生因言及王荊公學問先生曰金陵亦非常人其操行與老先生畧同先生呼溫公則曰老先生呼荊公則曰金陵其質朴儉素終身好學不以官職為意是所同也但學有邪正各欲行其所學爾而諸人輒溢惡此人主所以不信與夫天下之士至今疑之以其言不公故愈毀之而愈不信也嘗記漢時大臣於人主之前說人短長各以其實如朱雲是其一也僕退而檢朱雲傳華

後集
現案三朝名臣言行錄十二引
操作粗

朴言行錄作樸

言行錄爾上有者字

與夫言行錄作而

陰守丞嘉封事薦朱雲為御史大夫下其事問公卿衡對以為雲素好勇毅犯法亡命受易頗有師道僕後見先生因舉此言先生曰是矣凡人善有惡故人有毀有譽若不稱其善而併以為惡而毀之則人必不信有是惡矣故攻金陵者只宜言其學乖僻用之必亂天下則人主必信若以為以財利結人主如桑弘羊禁人言以固位如李林甫姦邪如盧杞大佞如王莽則人主不信矣蓋以其人素有德行而天下之人素尊之而人主夷考之無是事則與夫毀之之言亦不信矣此進言者之

弘言行錄作洪

主字據言行錄增

大戒

先生問僕曰世之所以罪金陵者何也僕以新法對先生曰此但一事耳其為大害不在是也且論新法多成周之法且五帝之法尚不同而金陵乃以成周之法行於本朝何哉且祖宗所以不多為法令者正恐官吏緣此以撓民也正如莊子言剖斗折衡則民不爭使天下人皆如莊周自可不爭使天下吏人皆如臨川可以不與人錢也僕曰所謂大害何也先生曰正在撓俸路開耳譬言如一大室中聚天下珍寶只有一門門前有一正

路甚廣大然極迂遠難到若非其人輒趨此路者必有人約迴之然此室又有教小邪路可到有教小門可入自古聖君賢臣相與同心極力閉此門若有由邪路來者則拒之使不得入或時^放一兩人入亦不至甚害也若乃廣開此路大開此門則人乘此徑路而入自此門一開之後不復可閉何況有人於室中招之乎嘉祐之末天下之弊在於舒緩金陵欲行新法恐州縣慢易因擢用新進少年而僥倖之路從此遂啓又教人主作福作威之術故有不次用人至於特旨御前處分金字牌

子一時指揮之類紛紛而出以爲賞罰人主之柄且此柄自持可也若其勢必爲姦臣所竊則賞罰綱紀大壞天下欲不亂得乎

先生尋常亦談釋氏每日孔子佛之言相爲終始孔子之言毋意毋必毋固毋我佛之言曰無我無人無衆生無壽者其言次第若出一人但孔子以三綱五常爲道以治生靈爲心故於色色空空之說微開其端欲令人自得爾且孔子之心佛心是也假天下無三綱五常之道則禍亂大作人將無噍類豈佛之心乎譬如州縣長

官不事事而郡縣大亂乃復禮佛誦經閉門坐禪以為
 學佛可乎故儒釋道神四者其心皆一但門庭施設不
 同爾先生曰古今大儒因著論毀佛法者蓋有說也且
 彼尾重則此首輕今為儒弟子宜各主其教使之無過
 於重而已且三教猶鼎足獨令一足大可乎則鼎必覆
 矣且所謂佛法者果何物也凡可以言者皆有為法也
 謂之有為法則有成有敗然萬物之理盛極必壞故佛
 法太盛則不獨為吾儒病亦為佛法之大禍也彼世之
 小儒不知此理見前輩或毀佛法亦從而詆之以謂佛

瓊案通隱後集卷之六引
 高曠作邁峻

法皆無足采非也芻蕘之言聖人擇焉且佛法豈不及
 於芻蕘之言乎而聖人堯舜周孔也彼乃自視以為過
 於堯舜周孔此又好大之病也與溺佛而至佞佛同科
 先生因言及東坡先生曰士大夫只看立朝大節如何
 若大節一虧則雖有細行不足贖也東坡立朝大節極
 可觀才意高廣惟己之是信在元豐則不容於元豐人
 欲殺之在元祐則雖與老先生議論亦有不合處非隨
 時上下人也僕又問東坡稱先生喜談禪何也先生曰
 非也北歸時與東坡同塗極款曲故暇日多談禪某嘗

患士大夫多以此事為戲且此事乃佛究竟之法豈可戲以為一笑之資乎此亦宜戒

先生曰金陵有三不足之說聞之乎僕曰未聞先生曰金陵用事同朝起而攻之金陵闕眾論進言於上曰天變不足懼祖宗不足法人言不足卹此三句非獨為趙氏禍乃為萬世禍也老先生嘗云人主之勢天下無能敵者或有過舉人臣欲回之必思有大於此者也攬庶幾可回也天子者天之子也今天變乃天怒也必有災禍或可回也今乃教人主使不畏天變不法祖宗不卹

三朝名臣言行錄十二引
懼作畏
言行錄七老字

言行錄七老字

生日二字宜直下

人言則何等事不可為也僕曰此言為萬世禍或有術可以絕此言使不傳於後世乎先生曰安可絕也此言一出天下人皆聞之不若著論明辯之曰此乃禍天下後世之言雖聞之不可從也譬如毒藥不可絕而神農與歷代名醫言之曰此乃毒藥如何形色食之必殺人故後人見而識之必不食也今乃絕之不以告人既不能絕而人誤食之死矣先生又曰也攬兩字賢可記取極有意思

先生與僕言行已出處且曰紹聖初某謫嶺表既到嶺

上北望中原慨然自念奉父母遺體而投炎荒恐不生
還忽憶老先生語云北人在煙瘴之地唯絕嗜慾皆可
以不死是日遂絕至于今更不復作且大丈夫自誓不
爲則止耳何必用術也趙清獻本朝一名臣欲絕慾不
能乃掛父母之畫像於臥床中且以偃卧其下而使父
母具冠裳監視不亦瀆乎昔陶潛賦歸去來即徑歸而
王羲之乃自誓於父母墳前且仕宦豈是不好事但者
行已如何爾若仕宦有益於社稷生靈其勝獨善一身
多矣蓋先生之意欲自比彭澤而以清獻比右軍

先生曰金陵在侍從時與老先生極相好當時淮南雜
說行乎時天下推尊之以比孟子其時又有老蘇人以
比荀子但後來爲執政與老先生論議不合爾老先生
嘗謂金陵曰介甫行新法乃引用一副當小人在清
要或在監司向也介甫曰方法行之初舊時人不肯向
前因用一切有才力者候法行已成即逐之却用老成
者守之所謂智者行之仁者守之老先生曰介甫誤矣
君子難進易退小人反是若小人得路豈可去也若欲
去必成讐敵他日將悔之介甫默然後果有賣金陵者

三朝名臣言行錄七引
作或為監司

言行錄七老字

此係原注

賣金陵者呂惠卿吉甫也

雖悔之亦無及也
先生曰人臣進言於君當度其能為即言之若太迫感
關閉或一旦决裂其禍必大不若平日雍容以諷之使
無太甚可也哲廟初銳意於學一日經筵講畢於一小
軒中賜茶上因起折一柳枝其中講筵臣乃老儒也起
諫曰方春萬物生榮不可無故摧折哲宗擲之其色不
平老先生聞之不悅謂門人曰使人主不欲親近儒生
者正為此等人也嘆息久之

老儒即伊川先生程頤字正叔

先生曰天下之事不可以一槩論且以飲酒一事言之

○瓊案道命錄一按先生以元年三月除

說書四月二日方再具辭免繼即以暑熱罷講計先生入侍不過一再又且以四月上旬非所謂方春發生之時若以為二年春講時事則元年之秋温公已薨矣尚安得聞而不悅又案道命注語

此亦原注亦載此事

本草言三人早行內一人獨生者以飲酒故也且冬月
早行冒寒心疾故藉酒酷烈之氣以敵之其初到南方
有一高僧教余言南方地熱而酒性亦大熱本草所謂
大海雖凍而酒不冰今嶺南煙瘴之地而更加以酒必
大發疾故疾之狀使人遍身通黃此熱之極也故余過
嶺南即斷酒雖遍歷水土惡弱他人必死之地其獨無
恙今北歸已十年矣未嘗一日患瘴者此其効也故其
多與人言此事欲盡知之若此輩或有言酒可以避瘴
者但見初到炎鄉藉此以禦瘴氣似乎有驗不知積久

積熱于五臟之間不可救也若此人能絕酒色兩事雖在炎方何害

先生嘗問僕參請乎僕對以亦嘗有此事但未能深得

先生曰所謂禪一字於六經中亦有此理但不謂之禪爾

爾至於佛乃窺見此理而易其名及達磨西來此語大行不知吾友於世所謂話頭者亦畧聞之乎僕對曰見相識中愛理會栢樹子又問吾友如何解僕無以對先生曰據此事不容言然以某所見則夫子不答是也且西來意不心問而語亦不心答然向上老和尚好玩弄人故以不答答之所謂栢樹子者乃繫驢橛也後人不

知只守了樹後尋祖師西來意可一笑也又曰佛法到梁敬矣人皆認着色相至於武帝為人主不知治民至亂天下豈佛意也蓋佛法只認着色相則佛法有可滅之理達磨西來其說不認色相若渠不來佛法之滅久矣又上根聰悟多喜其說故其說流通其之南遷雖平日於吾儒及老先生得力然亦不可謂於此事不得力世間事有大於生死者乎而此事獨一味理會生死有箇見處則於貴賤福禍輕矣且正如人擔得百斤則於五六十斤極輕此事老先生極通曉但口不言耳蓋此

事極繫利害若常論則人以謂平生只由佛法所謂五經者不能使人曉生死說矣故為儒者不可只談佛法蓋為孔子地也又不根之人以謂寂寞枯槁乃是佛法至於三綱五常不是佛法不肯用意又其下者復泥於報應因果之說不修人事政教錯亂生靈塗炭其禍蓋有不可勝言者故某平生未曾與人言者亦本於老先生之戒也

先生平日皆莊語有一雅謔謾記之先生為諫議大夫日值除一執政姓胡名不欲記之先生再三論列文字

不降出時劉貢父為給事中先生於朝路見之問曰昨晚有甚文字降出貢父曰豈非器之於新除有異聞乎

先生曰然若遲回不去當率全臺諫攻之孔子所謂鳴鼓而攻之者貢父應聲曰將為是暗箭子元來是鳴鼓

兒聞者皆啓齒先生素嚴毅亦笑容又曰貢父好謔然

立身五朝極有可觀故某與之交遊

先生與僕論變法之初僕曰神廟必欲變法何也先生

曰蓋有說矣天下之法未有無敵者祖宗以來以忠厚

仁慈治天下至於嘉祐末年天下之事似乎舒緩委靡

珉案漁隱後集 三十六引
為作謂

珉案漁隱後集 二十五引
做作弊

不振當時士大夫亦自厭之多有文字論列然其實於天下根本牢固至神廟即位富於春秋天資資絕人讀書一見便解大旨是時見兩蕃不服及朝廷州縣多舒緩不及漢唐全盛時每與大臣論議有怫然不悅之色當時執政從官中有識者以謂方今天下正如大富家上下和睦田園開闢屋舍牢固財用充足但屋宇少設器用少精巧僕妾樸魯遲鈍不敢作過但有鄰舍來相凌侮不免歲時以物贈之其來已久非自家做得如此遂不敢承當上意改革法度獨金陵揣知上意以身當

班案漁隱後集以身作以一身上意作上心仁廟作前朝

班案吹劍錄云韓文公荆公皆好孟子皆好辨元城曰金陵不可動者以能強辨文豹謂三人均之為好勝孟子好以辯勝公好以氣勝荆公好以私意勝班案漁隱作行已無少許點沈言者

之以激切奮怒之言以動上意遂以仁廟為不治之朝神廟一旦得之以為千載會遇改法之初以天下公論謂之流俗內則太后外則顧命大臣等尚不能回何況臺諫侍從州縣乎祇增其勢爾雖天下之人群起而攻之而金陵不可動者蓋此八箇字吾友宜記之僕曰何等八字先生曰虛名實行強辯堅志當時天下之論以金陵不作執政為屈虛名也平生行止無一點沈者雖欲誣之人主信乎作不信此實行也論議人主之前貫穿經史今古不可窮詰故曰強辯前世大臣欲任意行一

事或可以生死禍福恐得之回此老實不可以此動故

曰堅志因此八字此法所以必行也得君之初與主上

若朋友一言不合已志必面折之反覆詰難使人主伏

弱作伏辨乃已及元豐之初人主之德已成又大臣尊仰將順

之不暇天容毅然正君臣之分非與熙寧初比也

先生與僕論唐史及明皇信任姚宋事先生曰此二人

與張說乃天后時相也非已自用故敬憚之至於張九

齡輩乃已所自用故於進退輕也僕曰人主用相必要

專一明皇用二相專故能成開元之治先生曰明皇仰

面不對除吏雖是好事然未也僕曰何以言之先生曰
明皇之任用宰相是也其以情告宦官者非也使力士

以誠告崇固可若加以誕謾之語則崇何從質之曷若

以語力士之言面諭崇則君臣之情洞然無疑矣力士

與王毛仲不相善至奏其怨望之言而終被誅然則人

主不面質其臣而好與宦官密語未有不竊弄權柄而

亂天下者也此事可為戒不可以為法

先生與僕言仁廟恭儉先生曰仁廟恭儉出於天性故

四十二年如一日也易所謂有始有卒者常記得老先

生與僕言仁廟恭儉先生曰仁廟恭儉出於天性故

有末二字宜直下

生言明皇即位之初焚錦繡珠玉於前殿為非僕曰何以言之先生曰世以明皇初節儉後奢侈疑相去遼絕此說非也此正是一箇見識耳夫錦繡珠玉世之所有也已不好之則不用何至焚之焚之必於前殿是欲人知之此好名之蔽也夫恭儉不出於天性而出於好名好名之心衰則其奢侈必甚此必至之理也故當時識者見其焚珠玉知其必有末有年之蔽若仁廟則不然若非大臣問疾則無由見其黃絕被漆唾壺壺僕歸檢唐史開元二年二月己未焚錦繡珠玉于前殿然當時有識者

不曾問其姓名至今以為恨

先生與僕論唐史言及明皇任宰相先生曰以明皇之任韓休一事觀之信忠臣之難遇而佞臣之難去也籍使令知其人曰某人忠某人姦亦未必能任且去之也明皇分明知韓休之忠乃速去之分明知蕭嵩之佞乃久任之後來任李林甫又更好笑分明知其姦至用之一十來年二十來年至死乃罷人主唯患不能分別忠佞今分明知之乃如此欲天下不亂可乎僕曰譬人之服藥未達藥性而誤服之一旦或悟則必去之而更進良藥今已

宋史卷之二十一
利本亦作十一
宋史卷之二十一

知藥之害人以其甘而久服之藥之有益以其苦而去之則欲其人之不死其可得哉先生曰雖大無道之君亦惡亂亡而明皇中材之主知姦邪而任之何也僕無以對先生曰此蔽於左右之佞幸耳蓋所謂佞幸者嬪御也內臣也戚里也幸臣也此皆在人主左右而可以進言者也賢相不與佞幸交結彼有所倖求則執法而抑之人人與之爲讐心旦旦而諧之而人主之春日衰矣姦臣則交結佞幸彼有僥求則謹奉而行之人人感其私恩心旦旦而譽之則人主春日深矣所謂諧之者

非顯然諧之也或因一事凡可以媒孽者無不爲也所謂譽之者非顯然助之也或因一事凡可黨援者無不爲也人主雖欲用忠臣而去佞臣不可得也且人主之去宰相心積怒然後去之非一日也左右佞幸最能測人主之喜怒彼姦臣之爲相豈無一事貽怒然總覺怒心於佞幸處知之急急收救故不至於積怒而去也又人主不知爲左右浸潤只道我自能進退大臣不知佞幸知之久矣李林甫所以作相二十年不去者正緣得高力士安祿山陳希烈等內外贊助之也僕歸檢唐書

如先生言開元十六年九月相蕭嵩二十一年三月相
 韓休是年十二月嵩休同罷開元二年五月相林甫至
 天寶十一載十一月薨于位韓休為相明皇嘗引鑑默
 默不樂左右曰自韓休入朝陛下無一日歡何自戚戚
 不逐去之帝曰吾雖瘠天下肥矣蕭嵩每啓事必順旨
 我退而思天下不安寢韓休教陳治道多許直我退而
 思天下寢必安吾用休社稷計早李林甫傳裴士淹與
 明皇評宰相至李林甫曰是子妬賢嫉能舉無比者士
 淹因曰陛下誠知之何任之久也帝然不應

傳

班案
 困學紀聞十五云元城
 語錄云祖造董籠事
 周益公謂以元豐後
 官制為祖時官制

先生嘗曰太祖即位常令後苑作造薰籠數日不至太
 祖責怒左右對以事下尚書省尚書省下本部本部下
 本曹本曹下本局覆奏又得旨復依方下製造乃進御
 以經歷諸處行遣至速須數日太祖怒曰誰做這般條
 貫來約束我左右曰可問宰相上曰呼趙學究來趙相
 既至上曰我在民間時用數十錢可買一薰籠今為天
 子乃數日不得何也普曰此是自來條貫蓋不為陛下
 設乃為陛下子孫設使後代子孫若非理製造奢侈之
 物破壞錢物以經諸處行遣須有臺諫理會此條貫深

意也太祖大喜曰此條貫極妙若無薰籠是甚小事也
其後法壞自御前直降下後苑作更不經由朝廷至今
以為例

先生嘗曰太祖極好讀書每夜於寢殿中有歷代史或
至夜分但人不知口不言早至與大臣論事時出一語
往往獨盡利害之實河東折氏靈武李氏自五代以來
世守此土兩蕃畏之故令世襲蓋其意曰若不捍禦則
虜人入寇先壞世襲地此乃渠本家子孫久遠物必行
愛惜分外防備若挈土地入蕃不過令依舊世守本朝

必為理會若反噬則太原及陝西路大帥禦之非若祿

山連三路節度之比極為得策其後以為世襲不便以

折氏平河東有功依舊乃移李氏為陝西兩鎮因此遂
失靈夏至今為患又言太祖與群臣未嘗文談蓋欲激
厲將士之氣若自文談則將士以武健為耻不肯用命

此高祖溺儒冠之意也澶淵之後章聖既渡大河至浮

橋一半高瓊執御轡曰此處好喚宰相吟兩首詩蓋常

時宰相王欽若陳堯佐輩好詩賦以薄此輩故平日憾
之而有此語

玆按五朝名臣言行錄引有
至太宗好文方戰爭之時多
作詩賦羣臣屬和故武事
不競卒有潘美之敗至世字

玆按言行錄作當時

玆按言行錄作好為詩賦

玆案言行錄
有也字

元城先生語錄卷之上終

元城先生語錄卷之中

左朝散郎主管江州太平觀賜緋魚袋馬永卿編

先生嘗言老先生每於朝廷闕政但只於人主之前極口論列未嘗與士大夫開談以為無益也熙寧之初嘗有文字諫用兵而不曾留稿然其得在弟子之列嘗聞其大畧以謂中國與夷狄為鄰正如富人與貧人鄰居待之以禮結之以恩高其墻垣威其刑法待之以禮則國家每有使命往來有立定條貫禮教束縛之也結之以恩則歲時嘗以遺餘之物厭餽之也高其墻垣則平

日講和而不失邊備也或以刑法待其先犯邊然後當
用兵也今乃不用是富者愛鄰家貧民夢小財物開門
延入而與之博若勝焉則所得者皆微細棄賤之物不
足為富人財用多寡若不勝焉則富人屋宇田宅財物
皆貧家所有矣又况博奕者貧人日用為之乃所工也
而富人之所短貧人日夜專望富人與之博但無路尔
今乃自家先引而呼之貧人亦何幸哉且富人之待貧
人至於用刑法則是入官府也至是無術矣若不至於
入官府處則為善矣且官吏吏之清嚴者常云富人脅勢

以陵貧民故貧民徃徃得理今既用兵則中國夷狄之
勝負繫之於天豈知天之心不若清嚴官吏心乎又况
邊隅無隙而已為兵首乃最古今之大忌則官中所謂
先下拳者也其敗必矣此疏累數千言大槩如此
先生與僕論霍光立宣帝事先生曰霍將軍立宣帝固
是好事然博陸之意亦有在也僕曰何以言之先生曰
昭帝既崩廣陵王胥燕王旦尚在霍光議立昌邑二王
不得不與光爭權一旦殺二百人呼號於市曰當斷不
斷反受其亂蓋當時亦欲殺光但未聞爾後乃立宣帝

只一身外家乃許伯老宦者易制故立之藩王入繼必信親信本國之臣如文帝即日入未央夜拜宋昌為衛將軍領南北軍張武為郎中令行殿中且二者為漢朝要權故不移日以親信代之而平勃等重權一旦奪之其理自然也然則光之立宣帝正為其無黨耳

先生與僕論國初之事以謂太祖規模出於前代遠甚僕曰何以明之先生曰昔德宗憲宗時來瑱于頓最先來朝繼而或殺之或破其家而河朔諸藩鎮乃無術治之如此則藩鎮豈肯來朝也其縛盧從史史事又直可笑

當初出兵驚天動地與武元衡復讎去討王承宗承宗

捉不得却去自家寨中縛下盧從史史凱旋而歸君臣更

相賀其無耻如此大哉太祖之神武也既平孟蜀而兩

浙錢王入朝群臣自趙普已下爭欲留之聖意不允一

日趙相拉晉王於後殿奏事畢晉王從容言錢王事太

祖曰二哥你也出這言語我平生不曾欺善怕惡不容

易留住這漢候捉得河東薛王令納土於後數日錢王

陛辭太祖封一軸文與錢王曰到杭州開之錢王至杭

會其下開視乃滿朝臣僚乞留錢王表劄君臣北面再

字與二字宜直下

拜謝恩至太平四年河東已平乃令錢王納土先生曰
太祖此意何也僕曰此所謂不欺善也先生曰此固然
也錢氏久據兩浙李氏不能侵籍使錢王納土使大將
鎮之未必能用其民須本朝兵去鎮服又未必能守兩
浙必不敢附李氏李氏既平則兩浙安歸乎此聖模之
宏遠也

先生嘗言三代以上即不問三代以降雖漢高祖光武
唐太宗皆出吾太祖下僕曰何以言之先生曰且以五
後嗣言之高帝太宗所立皆其子多少時處置不下高

三百三十二 元豐六年正月 碎玉輅

三百二 治平元年 六月戊子治免就國直學士兼侍讀

三百廿五 款戲子 元豐五年正月

三百廿二 款 元豐五年正月

三百十五 熙寧三年九月壬子李清臣李承之並充檢正公事曾布戶房馮昌英房承之刑房

三百十一 熙寧三年五月癸卯上批近以秀州軍事判官李定為太子中允本大

臨蘇頌累格詔命不下韓璫劉世語錄云章衡草定制誤也衡八年十二月乃修注。案宋敏求

二百廿 景祐四年七月 始范諷責授

二百四十 慶曆三年三月乙酉 呂夷簡辭疾

二百五十一 慶曆四年十月庚戌注定勅葬并乃八月甲辰日今依本并書

四百中 元祐二年八月癸卯 昭文館直學士呂公著上言王公伯思名曰凡其

帝即悲歌泣下太宗不獨泣欲引刀自刺無處置如此
我太祖自冒矢石取天下自有魏王齊王各長立奇偉
乃以天下與弟且一命之卑十金之產尚欲與其子况
天下之富貴乎此正諸佛菩薩用心為生靈而來既了
此一大事即晚脫然而歸不復為子孫計此堯舜用心也
僕曰舊史言唐明宗禱天而生太祖太祖於天成二年
丁亥歲生後太宗生於己亥歲兩聖人相繼生故能定天
下先生曰然
先生嘗言祖宗之時於人材長養成就之意甚懇也僕

生於己亥歲

曰如何先生曰所謂長養成就非如今學校之類也但於人材愛惜保全之爾譬如富家養山林不旦旦伐之乃可為棟梁之具若非理推折之及至造屋無材可用也是愛惜人材乃人主自為社稷計耳神考之信任金陵是其次第而老先生號為黨魁故金陵以兩府啗之欲絕其辭然老先生是豈可以官職啗者也故聞政府之命其去愈牢當時臺諫皆金陵之黨遂醜造一件大事點污老先生如霍光事神宗謂金陵曰前日言章大無謂司馬某豈有此事金陵請事目神宗曰置之讒言不足

道也故老先生以端明為崇福退居於洛者十五六年天下之望翕然歸之至於元祐之初主少國疑之際一用老先生天下無異論儻神宗聽人言以一二事污蟻之重責黨魁以厲餘臣之異意者雖天下知老先生無此事而天下之士惡直醜正或有疑者則老先生之聲價豈得如此大近來朝臣之出必有言章醜惡之辭極力詆毀之至今天下無一全人萬一要箇好人使安可得也此不是國家壞人乃是自壞也是以祖宗時有言事官出即以言事不當責之雖壞了官職猶得此美名

近來言事之臣坐責宰相多諭言官令搜尋撰合事節
污蠱之使之和直臣之名亦不能得且人言事固不爲
名然中人以上可以名節誘之而使其至今權臣自知
己之姦邪欲天下之人須得如己之姦邪而不肯以直
臣之名與人此最天下之大禍也

先生與僕論春秋僕問西漢之時左氏不立學官何也
先生曰西漢學者各有師授一授之於師則終身不變
左氏與二家大相戾故不列於學官也僕曰春秋之說
不勝其煩何也先生曰吾友之問是矣仲尼門人皆受

六經之義而六經皆前世事可以明言得失至於春秋
所貶損皆當時君臣有威權勢力不可書見故仲尼授
弟子弟子退而異言故其說不勝其煩公穀皆七十二
賢弟子其說皆有師承非公穀自爲之也公穀皆解正
春秋所無者公穀未嘗言之故漢儒推本以爲真孔子
之意然二家亦自矛盾則亦非孔子之意矣若左傳則
春秋所有者或不解春秋所無者或自爲傳故先儒以
謂左氏或先經以起事或後經以終義或依經以辯理
或錯經以合異然其說亦有時牽合要之讀左氏者當

經自為經傳自為傳不可合而為一也然後通矣僕曰
然則讀春秋當取何法先生曰當於二家之中取其長
而有合於吾心者從之或皆不取而自斷以已見亦可
也然此事先儒或為之多失於穿鑿以為三家皆不可
信而吾於數千載後獨得聖人之微意嗚呼其誣先儒
後世之罪大矣至於唐時啖助尤為作恠至於以謂左
氏者非左丘明也乃論語孔子所引前世人老彭伯夷
等類非同時人所謂左丘明耻之丘亦耻之者左丘明
非春秋左氏而左氏別有名也其妄意穿鑿乃至如此

想見啖助當初立此新意穿鑿之時自謂可破萬世之
惑不知為後世笑具也吾友宜深戒之

先生嘗云西漢樂章可齊三代舊見漢禮樂志房中樂
十七章觀其格韻高嚴規摹簡古駸駸乎商周之頌噫
異哉此高帝一時佐命功臣不至叔孫通輩皆不能為
此歌尋推其源乃唐山夫人所作服虔曰高帝姬也韋
昭云唐山姓也而漢初乃有此人縱使竹竿載馳方之
陋矣然則后妃傳中乃獨不載何也先生因曰典王之初
人材色色過人且如唐太宗朝將相固不可及至伎藝

海隱後集一引本不作
餘師錄二引本不作下

琺案餘師錄注案唐山歌在樂
府中誠為高古然與三百篇
豈可同日而語至謂竹竿載
馳方之陋矣論似過當

下原說不據
琺案海隱後集
一及餘師錄二
引改

之士醫有孫真人陰陽有李淳風呂才相法有袁天綱亦後世不及也

珽案漁隱作亦後世所不能及也

先生問曰吾友亦嘗看佛書乎僕曰然先生曰凡看經者當知其意若但尋文逐句即不通處或起誹謗或造祇幻不若不看僕曰何也先生曰法華經云或遭五難苦臨刑欲壽終念彼觀音力乃尋段段壞言其性也先生因取楞嚴經指示僕曰觀世音言今眾生於我生身心獲十四種無量功德五者薰聞成聞六根銷復同於聲聽能令眾生臨當被害刀段段壞使其兵戈猶如割

水亦如吹光性無搖動蓋割水吹光而水火之性不動

搖耳猶如遇害而吾性湛然此乃得觀音無畏之力所

謂刀尋段段壞者正謂是耳又云七者性音圓銷觀聽

反人離諸塵妄能令眾生禁繫枷鎖所不能着謂人得

無畏力則雖彼拘執而吾觀德反入而枷鎖不能為害

故祖師被刑云將頭迎白刃一似斬春風而老黃龍住

歸宗又入牢獄若此人者刑殺枷鎖所不能害也先生

又曰吾友可以此理論於人使後人不至謗佛也

先生嘗曰賢主言笑嘖呻足以移風俗慶曆中廣州有

班案
漁隱後集十九引郡
作羣
作羣

張上有是時二字
班案漁隱官作後宮
珍集作珠

班案漁隱作時因同列
有求於上有司被旨和巾

班案漁隱價作值易作買

死蕃商沒官珍珠有司賤估其直十分價中統及一分
令郡官分買之為本路監司按劾計贓并珍珠赴京師
具案既上仁宗時於禁中問之且命取所估珍珠上與
宮官同閱愛其珍異張貴妃在側意欲得之上依所估
價出禁中錢易之以賜貴妃時禁中同列因是有於上
乞旨和買緣此京師珠價騰踊上頗知之一日上於別
殿賞牡丹妃嬪畢集貴妃最後至乃以前日珍珠為首
飾以誇同輩欲至上前上望見以袖掩面曰滿頭白紛
紛的都沒些忌諱貴妃慙赧起易之乃大悅使人各簪

班案漁隱作處起
易之上乃大悅

牡丹一枝自是禁中更不戴珍珠價大減

班案漁隱使作令後
枝作朵戴作帶
班案漁隱
作珠價

先生因言公孫弘姦詐人也亦有長處諫罷西南夷不

用卜式郭解是也且武帝之好征伐天下皆欲諫而止

之而式身為廢人乃願以家財助邊以迎合人主其後

又欲父子死南越帝由是移怒列侯不肯從軍坐酎金

失侯者百六人竇式激其怒也故弘以式為非人情不

軌之臣不可以為化而亂法且郭解以匹夫而奪人主

死生之權且聖人之作五刑固有輕重今一言不中意

而立殺之此何理也考其唱此悖亂之風解實為之魁

故弘之言解布衣為任俠行權以睚眦殺人解不知此
罪甚於解知故老先生與某言此二事以為得大臣之
體

先生曰老先生退居洛日無三日不見之一日見於讀
書堂老先生曰昨夕有^夕看三國志識破一事因令取三國
志及文選示某乃理會武帝遺令也老先生曰遺令之
意如何某曰曹公平生姦至此盡矣故臨死諄諄作此
令也老先生曰不然此乃操之微意也遺令者世所謂
遺囑也必擇緊要言語付囑子孫至若纖細不緊要之

琬案貴耳耳集中引
事作平日

事則或不暇矣且操身後之事有大於禪代者乎今操
之遺令諄諄百言<sup>琬案貴耳耳集
作數百言</sup>下至分香賣履之事家人婢妾無不

處置詳盡無一語語及禪代之事其意若曰禪代之事

自是子孫所為<sup>琬案貴耳耳集引
作此子孫自為</sup>吾未嘗教為之是賢以天下遺子孫而

身享漢臣之名此遺令之意歷千百年無人識得昨夕
偶窺破之老先生似有喜色且戒某曰非有識之士不
足以語之僕曰非溫公識高不能至此先生曰此無他
也乃一誠字爾老先生讀書必具衣冠正坐莊色不敢
懈怠惟以誠意讀之且誠之至者可以開金石况此虛

琬案貴耳耳集云姦
雄雖死亦有術也

偽之事一看即解散也某因此歷觀曹操平生之事無
不如此夜卧枕圓枕枕野葛至尺許飲鴆酒作配酒至一盞皆
此意也操之負人多矣恐人報已故先揚此聲以誑時
人使人無害已意也然則遺令之意亦揚此聲以誑後
世耳

先生與僕論本朝名相先生曰本朝名相固多矣然最
得大臣體者惟李沆丞相僕曰何以明之先生曰李丞
相每謂人曰但諸處有人上利害一切不行耳此大似
失言然有深意且祖宗之時經變多矣故所立法度極

有本以兩字模糊
括文淵閣本補

瑛案五朝名臣言行錄二引
有沆在政府善以補報國家
十一字

瑛案言行錄有所以二字

是穩便正如老醫者病極多故用藥不至孟浪殺人且
其法度不無小害但其利多耳後人不知遂欲輕改此
其害紛紛也李丞相每朝謁奏事畢必以四方水旱盜
賊不孝惡逆之事奏聞上為之變色慘然不悅既退同
列以為非問丞相曰吾儕當路幸天下無事丞相每奏
以不美之事以拂上意然又皆有司常行不必面奏之
事後告已之公不吝數數如此因謂同列曰人主一日
豈可不知憂懼也若不知憂懼則無所不至矣惟此兩
事最為得體在漢之時惟魏丞相能行此兩事以為古

瑛案言行錄言承字

瑛案言行錄作二十三事

瑛案錦繡
當花谷前集十引喜作擅
言行錄作喜

今異制方今務在奉行故事而已奉故事詔書凡三十

二事救掾吏瑛案言行錄作得案事郡國及休告從家還至府輒白四方

異聞或有逆賊風雨災變郡國不上輒奏言之此最為

宰相大體後之為相者則或不然好逞私智喜變祖宗

之法度欲蔽人主惡言天下之災異喜變法度則綱紀

亂惡言災異則人主驕此大患也

先生曰老先生既居洛某從之蓋十年老先生於國子

監之側得營地創獨樂園自傷不得與眾同也以當時

君子自比伊周孔孟公乃行種竹澆花等事自比唐晉

漁隱後集子引作
晉唐丁字皆作子

瑛案原作唐晉據漁
隱後集二十二改

瑛案漁隱園丁
作園子下同

間人以救其蔽也獨樂園丁呂直者性愚鯁故公以直

名之有草屋兩間在園門側然獨樂園在洛中諸園最

為簡素人以公之故春時必遊洛中例看園丁所得茶

湯錢閉園日與主人平分之一日園丁呂直得錢十千

負來納公問其故以眾例對曰此自汝錢可持去再三

欲留公怒遂持去回顧曰只端明不愛錢者後十許日

公見園中新創一井亭問之乃前日不受十千所創也

公頗多之

先生與余論國初取諸國次第先生曰王朴論之詳矣

瑛案言行錄
作奏故事

沈氏應作沈沈本

現案能改齊漫錄十三引作參辰

現案漫錄云予按仁宗時韓魏公奏并州宜立軍名立戰置鼓角胡文公宿武平上言以為宋主辰晉主參參辰不兩盛不可許至嘉祐四年復為太原府河東節度乃知器之之意本于胡武平而器之未始知之也

其言絕少雖論十年用兵先後難易無一字不驗於後此與韓信諸葛武侯一等人也僕問河東之地最難取故獨在後先生曰此固然矣然有天道焉太祖初為歸德軍節度使實在宋國故號宋且河東乃晉地也昔高辛氏遷閼伯於商丘主辰今應天府是也遷實沈于大夏主參今太原府是也且參商不相能久矣物不兩大故國初但曰并州不加以府號蓋有深意也又本朝收河東在戊寅年重午日乃火土旺日此參水神所忌故尅之時宋受命已十九年矣而晉始服是以本朝盛則

後服衰則先陷吾友可記之天下有變而河東必先非我所有願老夫不復見也先生又云其事不遠但不欲言之言畢色慘然者久之僕不敢再問後至靖康之禍僕愈信先生之言靖康元年丙午歲重九日太原陷而晉地之屬本朝纔一百四十九年噫先生可謂先知矣僕又妄意測之曰丙午為天水故火最大忌又中國陽夷狄陰也故晉出帝之事亦在於丙午丁未年此可驗也且九為陰陽之極數故太原以重九日陷又淵聖為第九世而即位之年正一百六十六年此蓋漢書所謂

陰九之厄百六之會也可不信夫嗚呼靖康之事雖由
人謀不減天道亦昭昭矣故僕因先生之言而備載之
先生曰書傳之間有大害事者若卜世卜年之類是也
僕曰何以言之先生曰先王之有天下日慎一日而惟
恐其不終故書曰天難謀命靡常詩曰天命靡常此文
武周公之書也豈有預爲歷世長久之說以數告子孫
使子孫倚恃天命恣爲淫害而不懼於危亡乎僕曰若
是則王孫滿之言妄矣先生曰蓋有說也當楚子問鼎
之時王室之威不能制也天子之德不能懷也故假天

命神告之事以拒之且曰卜世三十年七百而今尚未
也 不然則文武周公之志荒矣僕退檢史記武王滅商
至定王二十世凡四百二十年故史記云王使王孫滿
應設以辭楚兵乃去蓋使之以事以拒其言也僕後以
此質於先生先生曰然

先生嘗言某初見老先生求教老先生曰誠某旣歸三
日思誠之一字不得其門因再見請問曰前日蒙教以
誠然某思之三日不得其說不知從何門而入老先生
曰從不妄語中入某自此不敢妄語且六經之中絕無

真字所謂誠即真也故古者君臣師弟子之間惟是誠
實心中所欲言者即言之故冉求曰非不說子之道力
不足也子路曰有是哉子之迂也宰我欲短喪自謂期
可已矣食夫稻衣夫錦於汝安乎曰安且今有士人於
此必不肯自謂居喪而安於食稻衣錦也彼三人者皆
孔子高弟而其言如此者以其出於至誠也西漢之初
去古未遠人心質朴惟務純實更無忌諱文帝時賈誼
上疏曰生為明帝沒為明神顧成之廟稱為太宗元帝
時翼奉上疏曰萬歲之後稱為高宗蓋當時群臣凡心

中所欲言者即徑言之不以其言為不可發也蓋君臣
之誠故能如此

先生又曰天下詐偽之風甚矣以其從少至老觀之誠
實之風幾乎一日衰於一日一年衰於一年方今夫婦
兄弟父母之間猶相諂諛也相欺詐也况於君臣朋友
之間乎且君臣父子兄弟夫婦朋友只是一箇道理若
一處壞即皆壞矣此風大可畏當其禍亂未作時猶一
切含糊不見醜恠若萬一有大禍亂則君臣之間無所
不至矣故賈誼有言見利則逝更便則奪主上有敗即

因而挺之矣主上有患則吾首危而已立而觀之耳有
便於吾身者則欺賣而利之耳凡此種種他日吾友將
見之

先生與僕論詩至國風先生曰讀詩當求其意不當求
其義若求其義或失之穿鑿若求其意則可見古人用
心處也且如黍離之詩某嘗見老先生言惟劉炫炫之說
最善其說以謂凡人之情於憂樂之事初遇之則其心
變焉次遇之則其心微變三遇之則其情如常矣此又
之常情也至於君子忠厚之情則不然其行役也往來

固非一見之也初見稷之苗矣又見稷之穗矣又見稷
之實矣而感傷之心終始如一而不少變焉此詩人之
意也若以謂視苗以為穗視穗以為實則失之遠矣又
云孔子時詩今不可得而見之且以論語考之今碩人
之詩尚無素以為細兮一句則知孔子時詩亡矣蓋漢
之初出於秦火之後諸儒所傳不一時有三家魯詩本
之申公齊之詩本之轅固韓詩本之韓嬰三家皆列於
學官置博士弟子員講說之又有毛公之學自謂子夏
所傳獨河間獻王好之不得列於學官至後漢大儒馬

鄭輩好之遂行於世而三家之說廢矣先生又曰漢四

家詩各有短長未易一槩論某嘗記少年讀韓詩有雨

無極篇序云正大夫刺幽王也首云雨無其極傷我稼

穡浩浩昊天不駿其德如此類者不可勝舉因曰詩中

云正大夫離居豈非序所謂正大夫乎先生曰然凡此

事但欲吾友知耳若又以先儒為非則啓後生穿鑿害

愈大矣

珉案困學紀聞三引云篇首多雨其無極傷我稼穡八字朱子曰第一二章皆十句增之則長短不齊又此詩正大夫離居之後誓御之臣所作其曰正大夫刺幽王者非是解頤新語亦云韓詩世罕有其書或出於好事者之傳會

先生與僕論淮陰武侯二人不同若論人品則淮陰不

及孔明遠甚若論功業而武侯何寥寥也僕曰西南者

漢始終之地也故漢起於西南而卒終於此而淮陰當

漢之初興故能卓卓如此而武侯之時火將燼矣故無

所成先生曰此固然矣然淮陰所以得便宜者以平日

名太卑而武侯所以無成者以平日名太高也淮陰有

乞食跨下之辱也而武侯即隱於隆中而當時謂之卧

龍此一事也又淮陰既從項梁又事項羽又歸漢而武

侯則必待三顧而後起此又一事也又楚漢之時用兵

者皆非淮陰之敵而嘗易之故淮陰能取勝也三國之

時若司馬仲達輩乃武侯等輩人也而又素畏孔明故

武侯不能取勝也譬如奕碁有二國手一國手未有名而對之乃低碁不知其為國手而嘗易之故狼狽大敗有一國手已有名對局者亦國手而老弱焉謹以待之故勝敗未分也且淮陰既平魏趙而功業如此其卓犖也而龍且尚且輕之曰吾平生知韓信為人易與耳寄食於漂母無資身之策受辱於跨下無兼人之勇以淮陰平日名素卑也孔明與司馬宣王對壘不能取尺寸地宣王受其中咽之辱而不敢出兵至其已死按行軍壘猶曰天下奇材也故當時有死諸葛未生仲達之嘲

以孔明平日名素高故也人品高下不同而其功業反相去遠者由此

先生問僕近讀何書僕對以讀西漢到酷吏傳先生曰班氏特怨杜張何也僕曰太史公時湯周之後未顯至班氏獨以為有子孫之贖父罪故入列傳先生曰孟子云名之曰幽厲雖孝子慈孫百世不能改也而班氏固輒沒其酷吏之名何也僕曰世之論者以謂二人皆有意太史公之意欲以教後世人臣之忠班氏之意欲以教後世人子之孝先生曰此固然也然班固於此極有

深意張湯之後至後漢猶盛有恭侯純者雖王莽時亦不失爵至建武中歷位至大司空故班固不使入酷吏傳以張純之故也僕曰是時杜氏之絕已久而亦不入酷吏傳何也先生曰杜張一等人也若獨令張湯入列傳則世得以議已故并貸杜周此子產立公孫洩之義也僕退而檢左氏鄭卿良霄字伯有既死為屬國人大懼子產以謂鬼有所歸乃不為厲乃立公孫洩良止以止之公孫洩子孔之子也良止良霄之子也鄭殺子孔子孔雖不為厲故亦立之且伯有以罪死立後非義也

恐惑民故立洩使若自以大義存誅絕之後不因其為厲也僕以先生之言深得班固之意故詳載之

先生與僕論西方用兵先生曰天下之大禍莫大於用兵之成敗而人主為左右所蒙蔽而不知也老先生居於夏縣之私第日夕在賜書閣讀書日大喜謂其兄且曰某昨夕讀輪臺詔方知漢武帝用兵之久而中國不亡蓋每遣將之出而成敗勝負輒以實上聞而無毫髮不知者故天下之柄皆歸於人主而不為左右欺因此所以行兵三十年而中國不亡某取漢書考之信而有

賈

先生一日問僕頗能圖碁否僕對以亦嘗爲之終不高
故雖與人對局亦復懶懶爾先生曰碁碁中有一事今與
公論之某嘗見高碁云高低不甚相遠但高碁識先後
着耳若低碁即以後着爲先着故敗昔有高碁曰漢高
帝方黥布以窮來歸故洗足不起以挫其銳布欲自殺
後見張御從官如漢王則又大喜過望此識先後着也
又有低碁曰梁武帝方侯景以窮來歸遽裂地而王之
其後景凡有所須輒痛挫抑之故景反而梁亡此以後

着爲先着也先生又曰圍碁有過行者必須皆是高碁
而當局者爲利害所昏故藉傍人指之爾若低碁雖是
提耳耳而明告之亦不悟也昔漢高帝聞韓信欲爲假王
輒大怒慢罵良平躡足此過行法也見高帝見處不甚
相遠但高帝當局而迷爾使良平過暗主雖累千萬言
亦何益哉

六坡詩錄卷之十

元成吾錄卷之十

元城先生語錄卷之中終

正月廿六燈下校是夜大風

元城先生語錄卷之下

左朝散郎主管江州太平觀賜緋魚袋馬永卿編

先生嘗謂僕本朝官制多循唐時蓋以其相近也然獨
有一事乃用漢制深得治體僕曰何也先生曰唐制諸
道帥臣兼觀察之權故藩鎮擅權無之糾舉必待罪惡
暴著然後朝廷治之則害物已多矣是以江南觀察使
即宣帥越帥為之荆湖觀察使即潭帥鄂帥兼之其餘
諸道亦復如此至於本朝即以前宰相執政從官為帥
恐其權太重則以有清望官有風采者為監司以糾之

然不過臺省寺監官如有藩臣一事不法即行按劾故不敢為非不待朝廷治之而後有忌憚也漢元封五年初置刺史部十三州秋分行部四封秩總六百石爾且漢制萬戶以上縣令秩千石至六百石今刺史之秩卑矣然刺史之權極重以六條問事一條謂強宗豪右其五條皆謂二千石不法且秩低則其人激昂自進假以重權則能行其志此良法也成帝綏和元年更名牧秩二千石其法隳矣故唐觀察使則綏和之制也本朝監司即元封之制也然則不深知古今治亂者豈可輕變

前人法度哉又本朝不獨監司如此又取天下清德名望骨鯁之士以為臺諫使宰相不敢為非亦此意也

僕一日上謁先生坐定先生曰今日夏至僕對曰然先生曰天道遠矣六陽望^至此而極萬物繁鮮可謂盛矣然一陰已生於九地之下他日天地沍寒肅殺萬物蓋從今日始僕曰陰陽消長之理當如是先生曰物禁大盛者乃衰之始也正如齊自太公以來無盛於元公之時元公七年始霸而會諸侯至十四年陳公子完來本^齊是年歲在己酉^酉而不知有齊國者由比人也又經三己酉

生字^至是^至字^至於^至原
本抄^至本^至作^至至

野書書引

野客作皇孫 係查

班固野客叢書一引元城光
生云云蓋謂光武長沙定王
之後故也僕謂生長沙定王
之時已萌牙漢再受命之象
又非所以為兆朕也兆朕之時
其見於程姬所避之際乎
當景帝之名程姬也程姬
有所避而飾唐姬以進
有所避者顏師古謂月
事也上醉以為程姬而幸之遂有身已而覺其非程姬及生子因名發發之云者謂悟己之謬也向使程姬無所避景帝不醉唐姬
其能幸乎程姬之避景帝之醉天實使之也杜牧之詩曰織室魏豹俘作漢太平基誤置代籍中兩朝尊母儀光武紹高祖本係生
唐兒其推原遠矣

至齊簡公之四年歲在庚申田常弑其君遂專齊國後
二年楚滅陳自己酉庚申一百九十二年其事始驗僕
因對曰某觀漢宣帝時事正與先生之言合甘露三年
呼韓邪單于稽侯緡來朝此漢極盛時也是年王政君
得幸於皇太子生成帝於甲觀畫室為世適_皇孫此新
室代漢之兆也豈不如夏至一陰生之類乎先生曰是
則然矣然漢再受命已見於景帝生長沙定王發之時
則其朕兆固已久矣僕又問曰事之廢興既皆有數而
人事無益乎先生曰不然聖人有所謂知命有所謂言

命子罕言命又曰不知命無以為君子但聖人知而不
言若不知命尚不可為君子况聖人乎若知而言之是
教天下後世不脩人事一本於命綱紀廢壞賞罰無章
生靈至於無噍類其禍固有不可勝言者矣良久先生
曰天下之事似非偶然太平之時君臣會合正如春夏
用事自然有和風雨_時來相輔佐生成萬物及其衰也君
臣會合正如秋冬用事自然有嚴霜烈風相輔佐肅殺
萬物蓋各有其時非偶然也先生言畢慘然久之僕知
其意有所在也遂不敢復問

時雨二字宜直下

先生嘗云左氏惟論一時小小可喜之事獨不論天下大體僕曰何也先生曰且以伐原一事論之左氏以論伐原而示之信且原者何也天子之邑也天子之邑文公何爲而伐之蓋文公以兵逼而取之也且晉既定王室之難而請隧故周人辭之曰王章也未有代德而有二王亦叔父之所惡也與之陽樊温原櫛茅之田且晉文之請隧非真欲請之也示欲逼周取天下若楚莊王之問鼎也故周人窺見其意而辭之以謂晉文未有代周取天下之德而乃有二王旣而周人不得已而與之

之田名曰與之其實逼天子而奪之何以知其然邪其圍陽樊人呼曰此誰非王之懿親其俘之也乃出其民且陽樊之人徃徃皆天子之親而晉欲俘之嗚呼其不臣也已故旣圍陽樊又復圍原以此可見天子之邑不欲屬晉而晉以兵威逼而取之也而左氏復以爲美何哉且王室都洛而温乃今武原也今晉以兵圍而取其逼王室甚矣且王室之難有時也而王畿之地有時而盡今晉文公之有功宜如文侯讐受賞於平王之禮而乃以兵伐取其地此周之所以愈弱也且天子曰萬

乘諸侯曰千乘蓋言以大制小以強服弱今王畿之狹如此是晉能定王室一時之難而貽成周無窮之禍也蓋東西二周通封畿宗周鎬京也地方八百里八八六十四爲方百里者六十四也雒邑成周也方六百里六六三十六爲方百里者三十六也二都得方百里百爲方千里也故詩曰邦畿千里東西長而南北短短長相覆爲千里此周文王時也至幽王時宗周滅所謂方八百里者失之也及平王東遷洛邑則方六百里爾至襄王時以河南賜文公又爲諸侯所侵故爲地至小然則

文公之伐原乃文公至不美之事而左氏乃反稱之何也故某以謂只論一時小小可喜之事不論天下大體先生與僕論熙寧殿試用策時先生曰詩賦經術皆是朝廷一取人之科目耳使如三代兩漢魏晉之時採取名譽豈不得人然奔競矯激之風勝矣故以言取人示公道也殿試之用詩賦策問固無優劣人但見策問比之三題似乎有用不知祖宗立法之初極有深意且士人得失計較爲重豈敢極言時政闕失自取黜落或居下第必從而和之是士人初入仕而上之人已教之誦

月...
...
...

也儻或有沽激慷慨直言之士未必有益故元和初牛僧孺李宗閔皇甫湜對策極詆時政緣此紛爭分牛李之黨為縉紳之禍者幾五十年以此足可知也蓋朝廷設科目無有難易苟只以四句詩取人人來應亦有得有失或使之盡治五經十二史人以來應亦有得有失况登科之初未見人材及後仕宦則其材智名聲君子小人貴賤分矣不必須得殿試可以別人材也敦厚浮薄色色有之唐文宗之言至矣先生嘗云人主之職在於用人苟能平平日有術以採聞之而皆為我用則其運

珽案庶學老學叢談下引來應作來試下同

天下有餘裕矣倪寬為廷尉史卒見謂不習事不主曹乃之北地視畜牧耳及為疑奏張湯始奇之上問誰為之者湯言倪寬上曰吾固聞之久矣又蕭望之為治禮丞上疏宣帝自在民間聞望之名曰此東海蕭生耶且寬身為廷尉史卒而廷尉以下皆不知之而天子深居九重乃久聞其名則武帝之聰明過群臣遠矣且宣帝以少年在民間聞雞走馬日游二輔而當時賢人與民疾苦皆知之蓋留心久矣故二主卓然為漢賢主必有大過人者故為人主不能有術以自知天下豪傑惟左

右權臣佞幸之是聽烏能起太平之治哉僕因問曰然則人主用何術可以知之先生曰若使使天下之士凡有言者皆得達於上又人主於燕閒之時於其等輩廣訪而備問之然後博記而審察之天下無遺材矣

先生與僕論左氏先生曰祁奚請老外舉其離內舉其子子是也而謂之請老非也晉悼公之三年乃魯襄公之三年祁奚請老而舉解狐又舉祁午祁後十八年晉平公之七年乃魯襄公二十二年晉討欒氏之難因叔向叔向曰救我者必祁大夫祁大夫外舉不棄離內舉不失

親其獨遺我乎於是祁奚老矣聞之見宣子而免之免儻以七十而請老至此年幾九十矣雖不足恠然不若史記之所載也因取史記示僕晉世家悼公之三年晉會諸侯公問群臣之可用也祁奚舉解狐又舉祁午先生曰據此則是時祁奚未必七十而請老也但舉群臣之中可用者耳當以世家為正

先生與僕論作史之法先生曰新唐書叙事好簡畧其辭故其事多鬱而不明此作史之蔽也且文章豈有繁簡也意必欲多則冗長而不足讀必欲其簡則僻澁令

瑛案餘師錄二引
作其詞簡

瑛案餘師錄
冗長作文冗

人不喜讀假令新唐書載卓文君事不過止曰少嘗竊卓氏以逃如此而已班固載此事乃近五百字讀之不覺其繁也且文君之事亦何補於天下後世哉然作史之法不得不如是故可謂之文如風行水上出於自然也若不出於自然而有意於繁簡則失之矣唐書進表云其事則增於前其文則省於舊且新唐書所以不及兩漢文章者其病正在此兩句也又反以為工何哉然新舊唐史各有長短未易優劣也

先生嘗謂僕曰漢諸儒所傳六經與今所行六經不同

互有得失未可以偏辭論也王嘉奏對曰臣聞咎繇戒

帝舜曰亡教佚欲有國兢兢業業一日二日萬幾師古

曰虞書咎繇謨之辭也言有國之人不可教慢逸欲但

當戒慎危懼以理萬事之機也教音傲今尚書乃作無

教逸欲有邦恐教字轉寫作教字耳若謂天子無教諸

侯佚欲恐或非也先生又曰似此等類六經中甚多要

無令俗子知恐生謗議爾

班案應齋老學堂叢書上引云鄭夾漈著書辨訛詩辨妄二書詳悉有益學者但相承已久不能遽改近年發王魯齋著書疑長沙易公著易舉隅發明尤多皆先儒之所未言子以見學無止法

先生嘗曰難哉人臣之事君也既自知己之所能為又

須知君之所能為若不知而直前未有不受禍敗者也

班案應齋子錄一此是陳師黯語又案野客叢書四云僕又觀陳蕃跡曰卓陶戒舜無教逸遊則於今本教字初未嘗差也漢人引經率多如此

應齋叢書卷之六
小見類書卷之六
野客叢書卷之四

且如蕭望之為太子太傅八九年固當深知元帝之為人及元帝即位乃欲逐去許史恭顯等夫望之雖無師傳然比之許史則其情疎矣且能聽疎臣之言以逐親愛自古人君止一人能之秦昭王也且宣帝何如主也猶且委任宦官蓋寬饒一觸而殺其身則其權可知矣元帝至昏庸也其視昭王宣帝猶天冠地履也是豈能去許史恭顯哉故恭顯諸堪更生下獄時元帝初即位不省謁者召至廷尉為下獄後上召堪更生曰繫獄上大驚曰非但廷尉問邪且望之久為大傅知太子仁柔

宜以知術輔導之使洞曉天下之事然後可以為人主今乃懵然無知如此不知望之八九年間所以輔之者何等事者也亦不容無罪矣龜錯誠非長者然言亦可取敢嘗上疏云皇太子所讀書多矣而未深知術數此亦不為無理故凡人之性明銳者當輔以寬和謙冲之道其性仁柔者當輔以發強剛毅之術如此乃有貴於學矣

先生與僕論官制因言及玉堂故事先生曰且如玉堂兩字人多不解太宗皇帝常飛白題翰林學士院曰玉

翰苑遺事引
漢陳後集卷五引
東坡先生集卷十一

東坡先生集卷三十五引常作嘗

元成各錄本之

堂之廬

正字紀英廟諱

蓋此四字出於李尋傳且玉堂殿名也

而待詔者有直廬在其側李尋時待詔黃門故曰久汙

玉堂之廬至英廟嗣位乃撤去及元豐中有翰林學士

上言乞摘去二字復榜院門以為臣下光寵詔可是乞

以殿名其院也不遜甚矣而檢漢書蓋漢之待詔者或

在公車或在金馬門或在宦者廬或在黃門時李尋待

詔黃門哀帝使侍中往問災異對曰臣尋位卑術淺過

隨眾賢待詔食太官衣御府久汙玉堂之廬師古曰玉

堂殿在未央宮然制度不見其詳獨翼奉傳略載之奉

琬案漁隱後集三十五及萬花谷前集十一引並作乞摘上兩字翰苑遺事引乞摘去二字兩名字宜直下

嘗上疏曰漢德隆盛在於孝文皇帝躬行節儉外省繇

後其時未有井泉建章及上林中諸離宮館也未央宮

又無高門武臺麒麟鳳凰白虎玉堂金華之殿獨有前殿

曲臺漸臺宣室承明耳以此考之則玉堂殿乃武帝所

造也僕後以問先生先生曰然琬案漁隱曰金坡遺事云淳化二年十月翰林學士蘇易簡有

後數日僕問先生曰高帝七年蕭何治未央宮立東闕

北闕前殿武庫大倉見其壯麗甚怒謂何曰天下亮亮

勞苦數歲成敗未可知是何治宮室過度也何曰天下

方未定可因以就宮室且夫天子以四海為家非令壯

琬案漁隱曰金坡遺事云淳化二年十月翰林學士蘇易簡有賜之以光禁林事始于此也

琬案原脫虎字據漁隱及遺事增

麗亡以重威且亡今後世有以加也上說僕惟蕭何如此乃吟一絕云創業艱難尚爾為太平奢侈可前知欲今後世無能過可笑蕭何爾許癡僕因舉此詩先生笑曰此則固然然何之意深矣高帝項王皆楚人豐沛臨淮相去至近二人之心豈一日忘山東哉羽見秦地皆已燒殘乃思東歸使其如昔日之盛未必不都關中也漢五年夏雖自雒陽駕之關中然長安宮殿未成寄治櫟陽又高帝之在關中無幾時矣五年秋親征臧荼復至洛六年十二月取韓信還至雒陽七年冬十月自征

韓信又自雒陽至長安時宮闕已成乃自櫟陽徙都長安則高帝都長安之心方定矣然何欲順適其意以就大事不欲令窺其秘也故假辭云云此何之深意也而史氏見蕭何之意又不欲明言之又不欲不言之乃書上說兩字以見高帝在何術中而且樂都關中也先生又曰吾友後生未可遽立議論以褒貶古今蓋見聞未廣而淺世淺故也且如孔子萬世師也方孟僖子且死戒其嗣懿子師孔子時子年尚少也又齊景公晏子適魯問禮時孔子方年三十其後孔子年五十餘方

歷聘諸國十四年而只數歸魯時孔子年六十三歲乃

珽案餘師錄作六十八歲

始刪詩定書繫周易作春秋只數年間了却一生著述

珽案餘師錄作述始

蓋是時學問成矣涉世深矣故其著述始可為後世法

珽案餘師錄作萬世法

譬如積水於千仞之源一日決之滔滔汨汨直至於海

珽案餘師錄作矣

其源深也若夫潢潦之水乍流乍涸終不能有所至者

珽案餘師錄作盈

其源淺也古人著書多在暮年蓋為此也

先生與僕論易僕曰所謂為文言者真孔子之所作乎

先生曰其中有孔子之言未必皆孔子之作也蓋先儒

以此釋經也僕曰何以實之先生因取左氏亦僕襄公

九年穆姜薨於東宮始往而筮之遇艮之八史曰是謂

艮之隨隨其出也君必速出姜曰亡是於周易曰隨卦

速

元體之長也亨嘉之會也利義之和也正事之幹也體

仁足以長人嘉會足以合禮利物足以和義正固足以

幹事然故不可誣也是以雖隨無咎且孔子生於襄之

二十二年當穆姜為此言時吾聖人未生又左氏以解

隨卦周易以解乾卦又元體之長也蓋謂人之元首其

義尤親切於善之長云

先生嘗言子弟固欲其佳然不佳者未必無用處也元

元城言錄卷之一

三朝名臣言行錄九引作任作書
救之二字據言行錄增

言行錄及漁隱並作此事

言行錄崇作昌

許

豐二年秋冬之交東坡下御史獄天下之士痛之環視
而不敢救時張安道致仕在南京乃憤然上書救之欲附南
京通府官不敢受乃令其子恕持至登聞鼓院投進恕
素愚懦徘徊不敢投久之東坡出獄其後東坡見其副
本因吐舌色動久之人間其故東坡不答其後子由亦
見之云宜吾兄之吐舌也此時現案漁隱正得張恕同力武問其故
子由曰獨不見鄭崇之救蓋寬饒乎其疏有云上無許
史之屬下無金張之託此語正是激宣帝之怒爾且寬
饒正以犯許許史輩有此禍今乃再許之是益其怒也且

言行錄文字二字

義漁隱作議
言行錄作義

漁隱後集詩

現案
日類真子錄一引
作一日漁隱後集二十
引作三日

東坡何罪獨以名太高與朝廷爭勝耳今安道之疏乃
云其實天下之奇材也現案漁隱獨不激人主之怒乎時急救之故
為此言矣現案漁隱僕曰然則是時救東坡者宜為何說先生曰
但言本朝未嘗殺士大夫今乃開端則是殺士大夫自
陛下始而後世子孫因而殺賢士大夫必援陛下以為
例神宗好名而畏義現案漁隱疑可以此止之此
先生曰某之北歸與東坡同途兩舟相銜未嘗三日不
相見嘗記東坡自言少年時與其父并弟同請鄭公使
北語錄至於說大遼國主云用兵則士馬物故國家受

乎字據
言行錄及
現案漁隱
增
現案漁隱作但一時
急欲救之

元成各錄卷之下

璉案漁隱國
家作國主

璉案漁隱作遂罷兵

其害辭賞日加人臣享其利故凡北朝之臣勸用兵者
乃自為計非為北朝計也虜主明知利害所在故不用
兵三人皆嘆其言以為明白而切中事機時老蘇謂二
子曰古人有此意否東坡對曰嚴安亦有此意但不如
此明白老蘇笑以為然先生又云前輩讀書例皆如此
故謂之學問必見於用乃可貴不然即腐儒爾武帝時
嚴安上書諫用兵其畧云今徇南夷朝夜即深入匈奴
燔其龍城議者美之此人臣之利非天下之長策也鄭
公之言其源出於此

璉案漁隱作蓋出於此文案
放古編十云富韓公
前後語歸皆不載此
語不知沈者本何書
予嘗辨之

野客叢書十五

先生與僕論曆法嘗曰古今曆法各不同其閏法亦從

而異秦用顓帝之曆水德王天下以十月為歲首故遇

閏年即閏九月而謂之後九月蓋取左氏歸餘於終之

意至於漢初因而不改先生因命取史記秦楚之際月

表示僕二世二年後九月徐廣曰應閏建寅蓋徐廣推

曆以謂此三年合閏八月四月正月以歸餘於終故閏

九月也非獨如此高后八年七月高后崩群臣既誅諸

呂迎五代王閏月己酉王即皇帝位元年十月辛亥皇

帝見于高廟且己酉辛亥相去三日已隔一年則知閏

漢五年後
九月徐廣
曰應閏建
寅

月者乃後九月也僕曰書云以閏月定四時成歲謂之定四時則是四時之間有閏也先生曰非也蓋謂無閏月則以春為夏以夏為秋矣故曰定四時非謂四時之間有閏月也

先生與僕論唐十一族事先生曰甘露之事蓋亦疎矣考其時乃^大和九年十一月二十一日也是時李訓謀以甘露降於禁中詔百官入賀因此欲殺宦官且十一月末豈其^甘露降之時耶謀之疎想見大抵色色如此某意宦官知此謀久矣故不可得而殺也且天下之事有

嬾真^三此作死
救死下有者字

大於^死者乎凡可以救死無不為也若當時只賤黜之其禍未必至此乃以死通人而疎畧如此宜其敗也易

死原作此據
疑案嬾真子錄三改

曰君不密則失臣臣不密則失身然事不密則害成聖人之言信矣先生又言是時几覆十一族而王涯者年過七十不能引退而與小人同位故雖不預謀願彼宦^官安知之其遇禍也宜哉且涯自言留心太元經久矣始於正元十二年丙子至元和四年己丑凡十四年亦嘗作為文字後二十六年乃有甘露之禍且太元惟以進退消息為說涯知其說而不能行何也故曰知之非難

官字下脫一官字

疑案嬾真子錄

行之惟難

琬案野客叢書四引云僕謂著太玄者小有非意且不能自制投天祿閣為後世笑尚何以責學子太玄者邪

頗真子錄

先生嘗言魏徵傳稱帝仆所為碑傳叔玉昏頽其家衰

矣此言非也鄭公之德國史可傳何賴於碑而傳叔玉

昏乃天以佑魏氏也房玄齡之子遺愛因尚主遂為房

氏大禍始以淫蕩敗其家法而終滅其族僕後考魏氏

之譜鄭公四子叔玉叔瑜叔琬叔珪而叔瑜生華華

商商生明明生馮馮生暮至此五世矣使其家尚主而

其禍或若房氏豈有再振之理先生曰傳叔玉昏乃天

以佑魏氏於斯信矣

琬案當從唐書宰相世系表作璘嬪真子錄一亦誤叔珪

頗真 判作

先生嘗曰宰相之任難哉自古以來不負謗者少矣元

載既誅時望歸劉晏代宗懲前事遂擢太常卿楊綰禮

部侍郎常袞為相時大曆十三年乙巳歲四月壬午至

七月己巳綰薨相去總一百八日矣然綰之名望如此

藉使不死假之歲月或恐建立又過於此或曰非也當

時綰袞齊名袞至此年閏五月甲戌方罪故物議之如

此至目為黯伯則綰之早亡未必為不幸也蓋權者人

所嫉持權既久而亡所建立其被謗也不亦宜哉

先生一日與僕論左氏絳縣老人之歲僕曰已嘗考之

元氏各系

共

不能解先生曰老夫能言之因取左氏史記并紙筆於
卓卓子上再三箋注且曰非好古者不足與語也僕秘之
久矣又恐因而泯滅輒著於後先生解曰臣生之歲正
月甲子朔四百有四五甲子矣其季於今三之一也
所謂其季於今三之一者季者末也今今日也謂已得
四百四十四全甲子其末一甲子六十日而今日乃癸
未終得二十日也故曰三之一文公之十一年夏叔彭
生會晉卻缺于承匡冬十一月甲午叔孫得臣敗狄于
鹹文公盡十八年宣公盡十八年成公盡十八年至襄

公三十年歲在戊午今乃云七十三者蓋謂襄公之

通七十四年以表考之文公之十一年歲在乙巳襄公三十年

三十年上距文公之十一年得七十三年也所謂亥二

首六身者注云亥字二畫在上併三六為身如算之六

蓋古之亥字如此寫故曰二首六身其下六畫如算字

三箇六數也所謂下二如身定其日數者註云下亥上

二畫立置身傍蓋如者往也移下亥上二畫往于亥

身傍則當如此寫其左立者二畫乃二萬也其右重

者六畫乃三箇算子六數則六千六百六旬也故曰是

其日數也且四百四十五甲子合得二萬六千七百今

考此編二十三引
作三人若身查左傳

疑案示兒編初作收

疑案孔穎達疏云案字書
古亥字體殊不然蓋春
秋之時亥有二六之體異於

古制其說文是小篆之書
又異於此

乃差四十日者則前所謂其季於今三之一謂之旬者

蓋古以甲子數日故謂之旬如今陰陽家所謂甲午旬

中之類是也與書期三百六有六旬有六日同義

班案示兒編謂之旬者以下四字作謂其未甲子纔得二十日故少四日也

先生好談易嘗問僕曰易更三聖何也僕曰漢藝文志

言宓戲氏始作八卦文王重易六爻作上下篇孔氏為

之彖象繫辭又言序卦之屬十篇故曰易更三聖先生

曰以大傳言之神農氏為耒耜蓋取諸益日中為市蓋

取諸噬嗑黃帝堯舜為舟楫蓋取諸渙服牛乘馬蓋取

諸隨且益噬嗑渙隨皆六十四卦之名也神農黃帝堯

舜皆文王之前也則重易六爻謂文王可乎其周官太

卜掌三易一曰連山^山二曰歸藏三曰周易為經卦皆八

其別皆六十有四蓋夏曰連山高曰歸藏周曰周易此

又可見夏商之時已有六十四卦非至文王重易六爻

也然則楊雄班固之徒何以言文王重易^爻蓋文王拘

於羑里而演六十四卦之辭如乾元亨利正坤元亨利

馬之正是也非重六爻也至於爻辭則恐周公所作如

乾初九潛龍勿用坤初六履霜墜冰至是也若爻辭是

文王作則不應曰王用亨於西山又不應曰箕子之明

夷故漢藝文志亦言文王作上下篇則今卦辭上下二
經也恐先儒傳習之誤也若夫彖象繫辭文言序卦之
屬十篇班固以為孔子所作由此言之則作易者不止
三聖矣先生又曰今之所謂繫辭者乃古所謂大傳也
司馬遷傳易大傳曰天下一致而百慮同歸而殊塗則
在漢之時謂之大傳不謂之繫辭也又云易曰差之毫
釐謬以千里然今易中無此兩句則亦恐大傳之言也
今失之矣易曰繫辭焉以斷吉凶是故謂之爻凡兩言
之觀聖人之意則爻者所繫辭則凡一卦之中所載之

大皆其辭也以繫辭於一卦之下故曰繫辭此後人失
也故詩序亦謂之大傳蓋傳取其解經之義爾如春秋
有三傳之類俱取其釋經也先生曰吉凶生大業韓康
伯注云既定吉凶則廣大悉備此言非是蓋有興有廢
湯武秦漢之事也又云直其正也方其義也君子欽以
直內義以方外當為正以直內又云能說諸心能研諸
侯之慮當為能研諸慮如此類者五經中極多僕曰前
輩多不言之何也先生曰此事極繫利害五經其來已
遠前輩恐倡後生穿鑿之端故不敢著論但欲知之爾

若或為之倡則後生競生新意以相夸尚六經無全書
矣其害萬萬多於無立論之時此前輩所以慎重姑置
之不言可也韓魏公與歐陽文忠公同政府甚久終日
相聚無事不言但不曾與文忠公論繫辭僕曰何也先
生日文忠公論繫辭在集中吾友所見也其中有失若
與之同則又是一文忠公若論議不同或至爭忿故魏
公存之不論

元城先生語錄卷之下終

正月廿七日憲校

附元城先生行錄

公舉進士不就選徑歸洛洛從學於溫公溫公曰何為不
仕公以漆雕開吾斯未能信之語以對溫公說復從學
者數年一日避席問盡心行己之要可以終身行之者
溫公曰其誠乎公問行之何先溫公曰自不妄語始公
初初甚易之及退而自彙括日之所行與凡所言自相掣
肘矛盾者多矣力行七年而後成自此言行一致表裏
相應遇事坦然常有餘裕

公言安世平生只是一箇誠字更撲不破誠是天道思

誠是人道天人無兩箇道理因舉左右手顧之笑曰只
為有這軀殼放假思以通之耳及其成功一也安世自
從十五歲以後便知有這箇道理也曾事事着力畢竟
不是只有箇誠字縱橫妙用無處不通以此杜門獨立
其樂無窮恁恁生也動安世不得

溫公為克館職因謂公曰知所以相薦否公曰獲從公
遊舊矣溫公曰非矣光居閒足下時節問訊不絕光位
政府足下獨無書此光之所以相薦也擢右正言是時
差除頗多政府親戚公言祖宗以來執政大臣親戚子

弟未嘗敢受華要之職自王安石秉政以後盡廢累聖
之制專用親黨務快快私意數年間庶耻掃地今廟堂之
上猶習故態歷疏太師平章軍國重事彥博司空平章
軍國事公著左僕射大防右僕射純仁門下侍郎固左
丞存右丞宗愈堂除子弟親戚凡數十人且曰中書侍
郎摯未見所引私親而依違其間不能糾正雷同循默
豈得無罪願出臣此章偏示三省俾自此以往厲精更

始

會知漢陽軍吳處厚上蔡確安州所為謗詩公即論奏

日確確詩十篇多涉譏訕而二篇尤甚借唐為諭諂君
親至於滄海揚波之語其所包藏尤為悖逆蓋確確自為
齒髮方盛足以有為意在他日時事變易傲倖復用據
泄禍心此而可舍國法廢矣已而蔡確確青授光祿卿分
司南京公與梁壽同上疏力爭以為責命大輕未厭興
議疏十餘上始竄確確於新州
蔡確確雖貶尚與章惇等自謂有定策功創造語言恐脅
貴近公復言蔡確確黃履邢恕章惇四人者在元豐之末
號為死黨惇確執政倡之於內履為中丞與其寮屬和

之於外恕立其間往來傳送天下之事在其掌握聖上
嗣位皆實太皇太后聖慮深遠為宗廟社稷無窮之計
彼四人者乃敢貪天之功以為己功伏望明正四凶之
罪布告天下除確蔡近已貶竄外所有章惇黃履邢恕欲
乞並行逐之遠方終身不齒由是三人亦皆得罪
遷起居舍人兼司諫公偶為家人顧乳母牙盤媪以謂無
有詰其故因言內降指揮見求乳母公怒曰汝何敢爾
妄言且今上猶未納后安得有此媪云內東門司開封
府錄實預其事公與府錄有契因悅問之答如所聞

即上疏言前世之主鮮有不以聲色為累至於近之大
早御之無節則又不能保固真元增益壽考聖賢所戒
可為寒心且世俗聞粗有百金之產猶知愛其子孫以
為嗣續之託而况國朝百三十年之太平六聖憂勤積
累之業陛下繼而有之可不自愛自重以為宗廟社稷
無窮之計乎若陛下未嘗為則臣之所言猶不失諫官
之職萬一有之則臣之進說已是後時惟冀陛下愛身
進德留意問學清心寡慾增厚福基宣仁后初不知因
公言始窮詰其事乃知顧乳母者為劉氏也后怒而撻

之由是劉深以望公

自崇慶垂簾復祖宗舊政温公既薨之後荆公之徒多
為飛語以動搖在位誘之以利脅之以禍無所不至大
臣多首鼠兩端為自全記呂范二相尤畏之欲用其黨
以平舊怨謂之調停差除之際公與梁燾朱光庭每極
力爭論呂公病之因薦熙豐舊人鄧温伯為翰林丞旨
意者言官必爭因以逐之之公言温伯熙寧中王安石呂
惠卿更相傾陷温伯始終反覆出入兩黨又附蔡確為
之草制稱其有定策之功乞行罷黜疏累上不報即引

疾在告陳乞宮觀乃除集賢修撰提舉西京崇福宮

公徧歷言路正色立朝知無不言言無不盡每以辨是非邪正為先進君子退小人為急其面折廷爭至雷霆之怒赫然則執簡却立伺天威稍霽復前極論一時奏對且前且却者或至四五殿前觀者皆汗縮竦聽目之曰殿上虎

宣仁后晏駕呂丞相使陵下范純仁奏乞除執政即用李清臣為中書侍郎鄧溫伯為尚書右丞時大臣卒用調停之說遂有李鄧之除二人皆熙豐之黨屢見攻於

元祐乃以先朝事激怒上意會廷策進士李鄧撰策題

歷詆元祐之政有復新法之意從而中傷元祐諸人公

乃出鎮常山未幾元豐舊人悉皆收召遂相章惇言者

以公傾言蔡確落職知南安軍而呂丞相亦不免遠竄

乃深愧於公其後范丞相問人狀范公之行曰使其言

行於熙豐時後必不至紛更盡申於元祐中必無紹聖

大臣復讐之禍或以此問公公曰微仲堯夫不知君子

小人勢不兩立如冰炭故開偉門延入李鄧排去正人

易若反掌調停之說果何益哉昔溫公為相日蓋知其

後必有反覆之禍然救生民之患如救焚極溺猶恐不
及何暇更顧異日一身之患哉世以公為知言

紹聖初黨禍起器之尤為章惇蔡卞所忌遠謫嶺外盛
夏奉老母以行途人皆憐之器之不屈也一日行山中
扶其母藍舁憇樹有大蛇冉冉而至草木皆披靡擔夫
驚走器之不動也蛇相向者久之乃去村民羅拜器之
曰官異人也蛇乃吾山之神見官喜相迎耳官行無恙
乎温公門下士多矣如安世所守凜然死生禍福不變
蓋其平生喜讀孟子故剛大不枉之氣似之

惇卞用事必欲致公於死故方竄廣東則移廣西既抵
廣西則復徙廣東凡二廣間遠惡州軍無所不至人皆
謂公必死然七年之間未嘗一日病年幾八十堅悍不
衰此非人力所及殆天相也或問何以至此曰誠而已
蔡京用事三省言蔡京奏劉摯等逆心則其一時黨附
顯著之人同惡相濟豈得無之如劉安世常論禁中顧
乳母事謂陛下已親女寵又論不御經筵陛下已惑酒
色誣罔聖躬形於章疏者果何心也今摯貶死廢及子
孫而安世不問罪罰殊科如此臣不知其說也詔劉安

世移梅州安置公時執喪不候服關赴貶所時公在貶貶
所有土豪緣進納以入仕者因持厚貲入京以求見惇
犀珠磊落賄及僕隸久之不得見其人直以能殺公意
達之惇乃見之不教日薦上殿自選人改秩除本路轉
運判官其人飛馭徑驅至公貶所卻將遣其客來勸公
治後事涕泣以言公色不動留客飲酒談笑自若對客
取筆書教紙徐呼其僕曰聞朝廷賜我死即死依此行
之謂客曰死不難矣客從其僕取紙閱之則皆經紀其
家與同貶當死者之家事甚悉客驚嘆以為不可及也

俄報運使距城二十餘里而止翌日當至家人聞之益
號泣不食亦不能寐寐且治公身後事而公起居飲食如
平常曾無少異至夜半伺公則鼾寢鼻息如雷忽聞鐘
動上下驚曰鐘聲何太早也黎明問之鳴鐘者乃運判
公一夕嘔血而斃矣明日有客唁者曰若人不死則公
未可知矣然公亦無喜色於是見公處死不亂如此公
貶梅州忽有所厚士類數輩至慇懃之餘輒相向垂涕
公曰豈非安世有後命乎客曰屬聞朝廷遣使入卻將
不利於公願公自裁無辱公告之曰安世罪大責輕若

朝廷不貸其心東市之誅使國家明正典刑誅一戒百亦助時政之萬一何至效匹夫匹婦自經於溝瀆哉不為動使者入海島杖死元祐內臣陳衍蓋累朝相授不殺近臣惇卞屢造此禍而不克故令使者迺往諸郡以虛聲逼諸流人使其自盡也

公曰安世除諫官三日有大除拜安世便入文字凡二十四章又論章惇十九章及得罪惇必欲見殺人言春循梅新與死為隣高竇雷化說着也怕八州惡地安世歷遍七州

建中間公與蘇子瞻自嶺外同歸至宣和間內侍梁師成得幸貴震一時雖蔡京童貫皆出其下師成令吳可自京師來宋欲鉤致公引以大用且以書抵公可至三然後敢出之且道所以來之意大槩以諸孫未仕為言以動公公謝曰吾若為子孫計則不至是矣且吾廢年幾三十年未嘗有一點墨與當朝權貴吾欲為元祐完人不可破戒乃還其書而不答人皆為公危之而公自若也

先生云安世尋常未嘗服藥方遷謫時年四十有七先

此必欲與俱百端懇罷不許安世念不幸使老親入於
炎瘴之地已是不孝若非義固不敢為父母惟其疾之
憂如何得無疾疾祇有絕欲一事遂舉意絕之自是速令
未嘗有一日之疾亦無宵宵寐味之變陳瓘曰公平生學術
以誠入無往而非誠凡絕欲是真絕欲心不動故公曰
然公曰安世自絕欲來三十年氣血意思只如當時終
日接士夫劇談雖夜不寐翌朝精神如故平生坐必端
已未嘗傾側靠倚每日行千步燕坐調息復起觀書未
嘗晝寢啜茶伴客有至六七益終身未嘗草書歲時家

廟祭享拜跪七十有二未嘗廢闕闕此祖相傳安世終身

由之以勵子孫一皆本之以誠故心嘗前知兩月前自

覺必有變異果長子不祿故至誠如神聖人豈吾欺哉

公曰今人咸言事已如此不可復理某以為甚易耳孟

子云夫天未欲平治天下也如欲平治天下當今之世

舍我其誰哉非敢輕蔑天下之士自以實見天下有可

為之理耳請言一事某少時在開寶寺習省課潞公為

樞相一日以先人監牧司申一事頗違當時朝廷之意

召某問之某以實對已而問近有所聞否某言昨有人

相訪云王介甫求去甚堅恐相公代其任潞公曰安得
有此譬譬如立大厦其匠擅其工斤斧紛紛然其大木截
之令小小者復碎之曾未就緒輒要主人辭去舊屋既
毀新材又壞後之人如何其可為也余時甚少氣頗銳
應之曰某雖晚進以理觀之似未然潞公愕然曰何故
某曰今日新政不知果順人之所欲為人之所利乎若
不然相公當之去所害與所利反掌之間耳潞公默然
胡璉問曰筮仕之初遽領推勘不知治獄要道何如公
曰在常注意而一事不可放過某有同年宋若谷初在

洛州同官留意獄訟當時遂意治獄有聲監司交薦其

後官至中散大夫嘗曰獄貴初情每有繫獄者一行若
干人即時分牢異處親往遍問私置一簿子隨所通語
畢記之因以手畫膝上教理曰題云某人送到某人某
事若干人列各人姓名其後行間相去可三寸許以初
問訊所得語列疏姓名左方其後結正無能出初語者
蓋人乍入狴犴既倉卒又異處不能相謀此時可以得
其情耳獄貴初情此要道也

呂舍人曰器之嘗謂予言當官處事須權輕重務合道

理毋使偏重可也夫是之謂中因言元祐間嘗謁馮當
世當世言熙寧初與陳暘叔呂賢臣同任樞密暘叔聰
明少比遇事之來迎刃而解而賢臣尤善秤停每事之
來必秤停輕重令得所而後已也事經賢臣處者人請
事理無不允當因極言秤停二字最吾輩當今所宜致
力

先生歲晚閑居或問先生何以遣日公正色曰君子進
德脩業惟日不足而何云遣乎

公自宣和元日以後謝絕賓客四方書問皆不啓封家

事無巨細悉不問夏六月丙午忽大風飛瓦驟雨如注
雷電晝晦於公正寢人皆駭懼而走及雨止辨色公已
終矣聞者咸異焉及葬楊中立以文帛之曰叔火洞然
不燼惟玉楮紳往往傳誦以為切當公在宋杜門屏跡
不妄交遊人罕見其面及公歿耆老士庶婦人女子持
薰劑而哭公者日數千人後二年虜人驅墳戶發棺見
公顏貌如生成驚曰必異人也一無所動蓋棺而去
昔有與蘇子瞻論元祐人才者至公則曰器之真鐵漢
不可及也

Faint vertical text bleed-through from the reverse side of the page, including characters like 不... 其... 之...

徐銘乾咸豐丁巳科試元和縣學生見三

邑諸生滿

巳未二月上旬徐紹凱復校一過

九年

心耘



咸豐正月廿七夜雨校畢

共計二萬七千五百十字



附元城先生行錄終

附元城先生行錄終

己未二月上旬徐紹孔復校一過



九年

咸豐正月廿七夜雨校畢

心耘

共計二萬七千五百十字



附元城先生行錄終

